



EGIL OLLI puhe 3.4.2012 Sajos inarinsaame

### Tiervuodah Sámitige vaaljápaje 2012–2015 lekkámân já Säämi kulttuurkuávdáš Sajos vihkámávutuáloid cuánuimáánu 3. p. 2012 Anarist

Sámitiggepresident já Säämi parlamentaarláš rááđi president Egil Olli

Suomâ täsiváaldi president, Sámitige saavâjodetteijee, Sámitige airáseh, eres kyesih !

Mun halijdám kijtteđ ko leppeđ povdim muu servâđ Sámitige vaaljápaje 2012–2015 lekkámân já säämi kulttuurkuávdáš vihkámávutuáloid. Munjin lii kunnen Taažápele Sámitige já Säämi parlamentaarláš rááđi ovdâsteijen peessâđ leđe kyessin täábbin taan ilopeeivi.

Motomijd iivijd täst ovdil lái historjállâš tábáhtus Suomâ sámmiláid ko vuossámuš sámitigge lehástui. Sámitigge lii-uv ive 1996 aalgást jieijâš lavvâin vuáđudum sámmilij aalmugvaljim orgaan. Tade ovdil, iivijn 1973 – 1995, tooimâi Säämi Parlament. Sámitigge lii sámmilij alemus politiikláš orgaan já oovdânpuáhtá sámmilij virgálie uáinu sii kyeskee aasijn. Aalmugvaljim orgaan pehti láččoo máhđulášvuotâ pyerebeht kuláttállâđ virgeomâhijguin, já meid máhđulášvuotâ nanosubbooht vaikuttid sámmilij aššijd já vuoigâdvuođáid. Taažá pele Sámitige peeleešt tuáivum luho uđđâ já uđđâsist väljejum airásáid toid tehálaš toimáid moiguin tij kolgâvetted porgâđ puáttee áigáduvást. Táal algáttuvvoo pargo mast láá sehe máhđulášvuodah já hástuseh.

Mist sámmilijn láá ennuv ohtsih hástuseh, já tondiet tarbášuvvoo-uv oovtâstpargo še raajij rasta. Sámmilijn lii lamaš jo kuhheeb äägi oovtâstpargo sierânâš raajij rasta asáttásâi já organisaatioi pehti. Puárásumos tain lii Sámirááđi mii asáttui jo ive 1956. Uđđâsumos oovtâstpargoasáttâš lii oppeet Säämi parlamentaarláš rááđi, mii asáttui ive 2000, já mii lii sámitigij parlamentaarláš oovtâstpargo-orgaan mast láá še Ruošápele sámmilijh píssoo uáslisten. Säämi parlamentaarláš rááđi pargoide kuleh äáših moh kyeskih sámmilijd staatâi raajij rasta. Ko táal Sámitigge lávkkee uđđâ áigádâhân, te must láá vuárdámušah já tuoivâ et tij ain leppeđ kiärguseh huoláttid já västidid mii oovtâstpargoost Säämi parlamentaarláš rááđist.

Mun ilodám čuuvtij uásálistid tii uđđâ säämi kulttuurkuávdáš vihkámávutuáloid. Ij lah väädis leđe oovtuáivilist toiguin kiäh eteh et taat lii hirmástuttee mučis táálu. Arkkitehteh já iäráseh kiäh láá lamaš fáárust táálu hammiimist, láá tuođâi porgâm šiev pargo. Sámmilijh Suomâst láá táal uázžum eromâš mučis táálu. Táal lii tij tyehin tevdid taan táálu siskáldâš.

Tâi sanijguim tuáivum Sámitige airásáid luho puáttee áigáduv pargoiguin já tuáivum tijjân puohháid luho tain uđđâ kulttuurkuávdáin.

Takkâ !